

PISHACH

**Gargi
Bhattacharya**

**COPYRIGHTED
MATERIAL**

পিশাচ




গাগী ভট্টাচার্য

ঘোস্ট হান্টার মিস্টার অভিরূপ বিশ্বাস , ইন্ডিয়ান
প্যারানর্মাল সোসাইটি এবং বিদেশের নানান
প্যারানর্মাল চ্যানেলের কল্যাণে আমার অনেক ভূত
দেখা ও প্রেতজ্ঞান । এই বই লেখার ব্যাপারে এদের
দান- আমি অস্বীকার করতে পারিনা ।


ধন্যবাদ , শুভেচ্ছা আর হ্যাটস্ অফ -সাহসের জন্য ।

তবে বন্ধুরা , সাবধান !

ভূতের মাথায় কখন কী ভূত চাপে 😊



Dedicated to all the paranormal
enthusiasts.....



পিশাচ

শ্ৰেতকথা ও মরণমুখী পরব -মহুয়া গান

অৰুণাচল প্রদেশের ভালুকপং এলাকায় বেড়ে উঠেছে তিরাপ । ওর বাবা গেগং ; নাগাল্যান্ডে গিয়ে বাসা বাঁধে । সেখানে ক্রমশ ওরা জাঁকিয়ে বসে । পরে তিরাপ ওখানে নাগা শালের দোকান খুলে বসে । সুন্দর সুন্দর শাল বিকিকিনি হয় সেখানে । নানান উপজাতিদের বোনা হরেক রকম নক্শার শাল কিনতে দেশী-বিদেশী মানুষ ওর দোকানে হাজির হয় । উপজাতিদের মধ্যে কে কী ধরণের শাল পরবে সেটা তার মর্যাদার ওপরে নির্ভর করে । এক একটা রং ও নক্শা এক এক উপজাতি ব্যবহার করে থাকে ।

মেয়েটি এখন নিজেকে নাগা বলে । যদিও রূপের দিক দিয়ে ভালুকপং ওর মনে একটা বিশেষ স্থান দখল করে আছে কিন্তু নাগাল্যান্ডেও ও ভালই আছে । এখানে ও কুকুরের মাংস খেয়েছে । লোকে বলে যে কুকুর না খেলে নাকি মানুষের বাচ্চা হওয়া হলনা !

বাড়িতে ওর দুটো বন্ধু কুকুর ছিলো । এখানে ওরা
খাবারের প্লেটে । ওদের বাড়িতে ওরা কুকুর খায়নি ।

আসলে ওরা ডিম, মুগী , মাছ এসবই বেশি খায় ।

সাধারণত: ও অবসর সময় কাটায় গান গেয়ে আর
বিভিন্ন ভৌতিক বই পড়ে । অশরীরি সত্ত্বা ওকে ভীষণ
আকর্ষণ করে । ও খুবই সাহসী । ওর বোন দু ব্ৰু বেশ
ভীতু । দুজনে মিলেই দোকান চালায় ।

বিদেশীরা তো আসেই । ওদেরই একজন মাথায় ঢোকায়
যে ঘোস্ট হান্টার হয়ে যাও ! নাম তার রায়ান কোহেন
। মধ্যবয়সী মানুষ । তিরাপ সদ্য যুবতী ।

রায়ান ভারতে বেড়াতে এসেছিলো । ওর বৌ গ্ৰেটেল
ওদের তিন সন্তানকে নিয়ে চলে গেছে । বাচ্চারা
বাবাকে ঘৃণা করে , গ্ৰেটেলের কারণে । ওদের মা ইচ্ছে
করেই রায়ানকে এক মন্দ দানব বলে ঘোষণা করেছে ।
কাজেই বাচ্চারা মায়ের সাইড নিয়েছে । রায়ানকে
ওদের কাছে ঘেঁষতে দেয়নি গ্ৰেটেল । মনের দু:খে
নিজের কাজকস্মেমা ছেড়ে দূরদেশ ভারতে ঘুরতে আসে
সে । ওর কাজ ছিলো ট্রেনে , বাইরে থেকে ঠেলে

যাত্রীদের কামরাতে ঢোকানো । এই কাজ করতো সে
জাপানে । পরে, নিজ দেশে ফিরে ইলেক্ট্রিশিয়ানের কাজ
নেয় । সেখানেই আলাপ গ্রেটেলের সাথে । সে ট্রেন
চালিকা ।

রূপসী গ্রেটেল নাকি এক বয়ফ্রেন্ড জুটিয়ে তার সাথে
আছে । সে ওদের বাচ্চাদের দেখাশোনা করে । একটি
দরিদ্র দেশ থেকে এসেছে । গ্রেটেলের সাথে বিয়ে করার
মতলব । হয়ত নাগরিকত্ব সহজে পেয়ে যাবে !

কিন্তু রায়ান ডাইভোর্স করা সত্ত্বেও এখনও কেন
গ্রেটেল ওকে বিয়ে করেনি সেটা কেউ জানেনা ।

ওর বয়ফ্রেন্ড ; ওদের সন্তানদের পার্মানেন্ট ন্যানি ।

বাচ্চাদের কথা খুব মনে হয় । ওদের মা যেমন ওদের
মানুষ করছে সেরকম কতনা বর্ষণ মুখর সন্ধ্যায় রায়ান
ওদের বুকে করে রেখেছে । মাংস বেক করে দিয়েছে ।
কেক বানিয়ে খাইয়েছে । পার্কে নিয়ে গেছে । সাইকেল
চালানো শিখিয়েছে । আরো কত কিছু ।

ওদের মুক্ত সমাজে তো ওরা স্কুল থেকেই সম্ভোগে
ডুবে যায় । কাজেই নানান কোণে ওদের সন্তান থাকে ।

কিন্তু রায়ানের মোট এই তিনখানা বাচ্চাই আছে । মাঝে মাঝে মনে হয় যে দু একটি এদিকে সেদিকে থাকলে মন্দ হতনা এখন । অস্তুত: ওদের কচি মুখগুলো দেখা যেতো । শান্তি পেতো এই টালমাটাল সময়ে ।

বন্ধুত্ব হতে দেরি লাগেনি । তিরাপ খুব মিষ্টি মেয়ে । রায়ান ও তিরাপের জুটি ওদের বাবা , মা ও বোন দুর ভালই লেগেছে । কাজেই এক শুভ সন্ধ্যায় ওরা গীর্জায় গিয়ে বিয়ে সেরে ফেলেছে ।

বিয়ের পর রায়ান কিছুদিন নাগা প্রদেশে ছিলো ।

পরে দেশে ফিরে যায় । সেখানে বছরখানেক কাজ করে । আজকাল মোবাইল আর নেটের যুগে দুনিয়া তো হাতের মুঠোয় ! কাজেই সদ্য বিবাহ হওয়া সত্ত্বেও দূর দেশে , একাকী নয় নববধূ -- বরং ওর সাথে রোজই কথা বলতো । লাইভ ছবি দেখতো । ক্ষুধাতৃষ্ণা যেন ভুলে যেতো ।

বেশ কিছুকাল কাজ করে , টাকা জমিয়ে ফিরে আসে ভারতে । এবার ওরা দুজনে পুণায় গিয়ে একটি প্যারানর্মাল সংস্থা খুলে বসে । তিরাপের শালের ব্যবসা দেখাশোনা করে ওর বোন দু । বাবা ও মায়ের ব্যয়স হয়েছে । ওরা নিয়ম করে বিভিন্ন নাগা উৎসবে

যোগদান করে । ওর মায়ের অনেক নাগা ও কুকি বন্ধু
আছে । মা বলে : আমরা ভালুকপং থেকে এসেছি
কিন্তু আমাদের বড় মেয়ে নাগা ।

নাগা সংস্কৃতি খুব ভালোলাগে তিরাপের ।



প্রথম ভৌতিক অভিজ্ঞতা ভালুকপং অঞ্চলেই ।

অরণ্যের গাছ কেটে, কাঠ নিয়ে আসে মেয়েরা ।
জ্বালানি হিসেবে ব্যবহার করে । সেই কাঠের টুকরো
বয়ে আনার ঝুড়িগুলো এক বুড়ি তৈরি করতো । তার
বাস বনের কাছেই । একমাত্র ছেলে ট্রেকের সময়
লোকজনকে গাইড করতো । কোনো বন্য পশুর পেটে
যায় সে একদিন ।

তারপর থেকে বুড়ি একটু পাগল পাগল ভাব দেখায় ।

একা একা বিড়বিড় করতো । ঝুড়ি তৈরির ফাঁকে
ফাঁকে । সেই বুড়িটা একদিন ঝড়ের কোপে পড়ে মারা
যায় । বনের ধারে ওর বাসাখানি ভেঙে পড়ে ।

চাপা পড়ে যায় । তারপর থেকে ট্রেকাররা এবং
অন্যান্য মানুষ ওকে নিয়মিত দেখতো । দেখা যেতো

এককামরার বাসাখানি দিব্যি দাঁড়িয়ে । ভেতরে বসে বসে, বুড়ি ঝুড়ি নির্মাণে ব্যস্ত অথবা কাঠের চুল্‌হায় রান্না করছে । অনেকে ভয় পেয়ে যেতো । কিন্তু তিরাপ একদিন সোজা বাসায় প্রবেশ করে । বুড়ি ওকে জানায় যে তার খুব কষ্ট । এইভাবে মারা গেছে বলে ।

তখন তিরাপ ও তার পরিবার সেই বুড়ির অস্তিম কাজ করে ফেলে । ধর্মের নিয়ম মেনে ।

সেই থেকে বুড়িকে আর কেউ দেখেনি ।

এই ঘটনার পরে তিরাপের মনে হয়েছে যে মৃত মানুষ জীবিতদের সাথে যোগস্থাপন করতে সক্ষম ।

ভূত নিয়ে ওর উৎসাহ ছিলই , বরাবর । এবার জোরকদমে নেমে পড়ে রহস্যময় এই জগতের সন্ধানে ।

তারপর রায়ানের সাথে আলাপ, পরিণয় আর ভূত সংস্থার শিলান্যাস !

পুণায় অনেক ভৌতিক স্থান আছে । শনিওয়ার-ওড়া একটি বিশেষ প্রেত-স্থান । সিংহগড় দুর্গেও দেখা মেলে । আরো অনেক আছে । লোনাভালায় একটি হন্টেড হোটেল আছে । রাজ কিরণ হোটেল । সেখানে নাকি কিছু ঘরে ; শুয়ে থাকলে ভৌতিক জিনিস টের

পাওয়া যায় । অনেকে ঈষৎ উন্মাদ হয়ে বেরিয়েছে
ওখান থেকে । এইসব দেখেশুনে তিরাপ ও রায়ান
কোহেন ঘাঁটি গেড়েছে পুণায় ।

সংস্থার নাম ডাস্ক । সোজা ভাষায় গোধূলি ।

এই সময় তেনারা ঘুম থেকে উঠে বসেন ।

শুরু হয় প্যারানর্মাল কান্ড কারখানা । মিডিয়াম ও
সাইকিকদের মহার্ঘ্য কাল এই গোধূলি । অনেক
সাইকিক অ্যাটাকও হয় এই ক্ষণে । অর্থাৎ অন্যভুবন
থেকে এসে মিডিয়ামদের আক্রমণ করে ।

রায়ান মজা করে বলে : এইসব ভূতেরা অ্যামেরিকান ।
কারণ ভারতে যখন সবাই ঘুমায় তখন ওরা কাজে
নামে ।

রায়ান ভারতে এসে, হর্ণবিল উৎসব দেখতে যায়
উত্তরপূর্ব ভারতে । যাকে বলা হয় 'Festival of
Festivals'.

লোক সংস্কৃতির এই মহোৎসব খুবই ভালোলাগে তার ।

তবে একটি আজব ভৌতিক ব্রিজের দেখা পায় ।

এই এলাকায় একটি বড় ব্রিজ আছে সেখানে নাকি রাতে সব প্রেতেরা ঘোরে । কেউ হুশ্ করে উড়ে যায় সাইকেলে । কেউ ব্রিজের নিচে জলে বসে থাকে । কেউ আশেপাশে ঘোরে যদি ব্রিজে মানুষ দেখে । কেউবা শিস্ দিয়ে চলে যায় । ওরা পাশে এলে শরীর ভারী হয়ে যায় । গা হুমহুম করে ওঠে ।

দিনের বেলায় ব্রিজ একদম স্বাভাবিক । লোকাল মানুষ এই ঘটনা নিয়ে সোচ্চার হয়না । টুরিস্টদের আসা বন্ধ হবে তাতে । এছাড়া এখানে একটি মুন্ডুহীন শিশু ঘুরে বেড়ায় এবং লোকের পাশে এসে- তাকে তারই হাঁড়ির খবর দিতে শুরু করে । এমন এমন জিনিস বলে যা বহিরজগতের কারো পক্ষেই জানা সম্ভব নয় ।



কে চাকরাণীকে অন্তঃসত্ত্বা করেছে ,কে ঘুষ দিয়ে
ক্লাসে ফাস্ট হয়েছে , কে টয়লেটে বসে কী করে
এইসব ।

একজনকে বলেছে : তোমার সেবার অপারেশান হলনা
? তখন ওরা পেট কেটে কী একটা বার করলো । গ্যাল
গ্যাল করে রক্ত বার হচ্ছিলো । তারপর জানো তো
সেই জিনিসটা পেটে না ঢুকিয়েই সেলাই করে দিলো ।

সত্যি তো ! পথিক ভাবে , আমার তো পেটে এরকম
একটা সার্জারি হয়েছে । সেখানে একটি রোগাক্রান্ত
অর্গ্যান কেটে বাদ দেওয়া হয়েছে !

শিশুটি কে কেউ জানে না । রায়ান অনেক খবর নিয়ে
বার করতে পেরেছে যে এই ছেলেটি বিশেষ ক্ষমতাধারী
ছিলো । কিন্তু ওর মা ওকে জন্মের আগেই অ্যাবর্ট করে
দেয় তা ওর বয়স তখন প্রায় গর্ভে -আট মাস । মা
ছিলো ফেমিনিস্ট আর বাই-সেক্সুয়াল । ওর বাবা একা
মায়ের দৈহিক ক্ষুধা মেটাতে সক্ষম ছিলো না । মায়ের
একজন পুরুষের সাথে একজন নারীও লাগতো ।

এক গার্লফ্রেন্ড জুটে গেলে ওর বাবাকে ত্যাগ করে ।
তখন ও ওর মায়ের গর্ভে । ওকে ছেঁটে ফেলে দেয় ।
পেটে খুব জোরে আঘাত করায় বাচ্চার মাথায় চোট

লেগে মারা যায় । পেট কেটে শিশুকে বার করতে হয় । মা অবশ্য ভাগ্য জোরে বেঁচে ওঠে । ঐ দেশে এইধরনের পৈশাচিক আচরণ আইন সম্মত হওয়ায় মায়ের জেল হয়না । দেশের প্রেসিডেন্ট একজন ফেমিনিস্ট । কাজেই সন্তান যেকোনো সময়ই মেয়েরা অ্যাবর্ট করতে সক্ষম বলেই উনি মনে করেন । তাই আইনও নিরুপায় ।

কিন্তু এই শিশুটি এইদেশে কেন ?

আসলে স্পিরিটরা তো সময় ও স্থানকে ভেদ করে যেতে পারে । হয়ত তাই ।

আবার অন্য স্থানে গোয়েন্দা ভূতের দেখা মিলেছে ।

তার সম্বল একটি জাদু পেন্সিল । সেই পেন্সিল দিয়ে লেখা শুরু করলেই মানুষের সমস্ত অপরাধের ডাইরি লেখা হয়ে যায় নিজে থেকে । গোয়েন্দা এই কারণে এলাকায় প্রসিদ্ধ । নিছক হিংসার বশে একদিন খুন হয় এক সহকর্মীর হাতে । তবে সেটা নাকি পেন্সিল বলে দিয়েছিলো । তাই গোয়েন্দা বাবু শেষ অঙ্কে বলতো :
আরে আমি কোথায় যাবো ? কোথায় যেতে পারি ?

এখানেই ছিলাম , আছি আর থাকবো ।

তার কথাই সত্য । আজও দেখা দেয় গোয়েন্দা । আর
এইসব ঘটনাই ওদের আরো ঠেলে দেয় প্যারানর্মালের
দিকে ।



তিরাপ তো কতনা আজব কাণ্ডের সাক্ষী ।

প্রেত শব্দটা কৈশোর থেকেই আকর্ষণ করে । মানুষ মরে কোথায় যায় ? এত প্রেম, ভালোবাসা, স্নেহ সমস্ত শেষ হয়ে যায় মোমশিখা দপ্ করে নিভে যাবার মত ? কেন লোকেরা আদি অনন্তকাল থেকে ভূতের দেখা পায় ? সবাই মিথ্যাবাদী এমন কি বলা যায় ?

হোয়াইট হাউজে আব্রাহাম লিঙ্কনের প্রেতাআ দেখেছেন স্বয়ং চার্চিল এবং অনেক বড় নেতা যাদের বিশ্ব জোড়া নাম ! সবাই ভুল দেখেছেন ?

কাজেই এরকম প্রেত গবেষকের কাজ পেয়ে মহা আনন্দে আছে তিরাপ । সাহসী কিন্তু মিষ্টি মেয়ে ।

ও তো নিজে অনেক ভয়াল স্থানে ঘুরেছে !

সেই যে সেই অটালিকা যা এখন হোটেল , সেখানে রাতের বেলায় আবাসিকদের কারো কারো ঘরে দেখা যায় এক ন্যুড মেয়ে । সে ক্লাস্ত পথিককে তার বেডরুমে সিডিউস্ করছে । তারপর যদি সেই মেয়ের সাথে শোও তাহলেই তুমি খতম্ । মেয়েটি অপরূপা ।

আসলে সে নাকি ছিলো এই অঞ্চলের উড-বি রাণী
মানে যুবরাণী । তাকে তার শ্বশুর মহাশয় ; শিরচ্ছেদ
করে শাস্তি দেন পরকিয়ার জন্য । এই অট্টালিকা এক
পরিত্যক্ত রাজপ্রাসাদ । এখন হোটেলে পরিণত করেছে
সরকার ।

আবার সমুদ্রনীরের কিনারায় কারা যেন আলোর
নৌকোতে ভেসে বেড়ায় । হেল্প হেল্প করে চীৎকার
করে । বাঁচাতে গেলেই চোরাবালিতে ডুবে প্রাণ যায় ।

কিংবা রহস্যময় বাস্টি । এক গ্রামের ধারে তাকে প্রায়ই
দেখা যায় একটি জ্বলন্ত গাড়িতে বসে চীৎকার করছে !

কাছে গেলে কিছু দেখা যায়না । পুলিশ এখন ওদিকে
যেতে বারণ করে, সন্ধ্যার পরে । কারণ অনেক চালক
পথভ্রষ্ট হয়েছে ।

আবার সজনেডিহির তসলিমা ।

সে হঠাৎ করে পথের মাঝে এসে দাঁড়ায় । তাকে
দেখলেই মৃত্যু । কারণ পেছনের সীটে এসে বসে
জাঁকিয়ে । ততক্ষণে গাড়িটি কন্ট্রোল হারায় আর
ধাক্কা দেয় পাশের মহীরুহতে ।

শোভার মায়ের গল্পও অনবদ্য । মিস্টার পালের
হোটেল আছে হিমালয়ে । সেখানে রাতে দেখা যায়

শোভার মা ঘুরছে । কোনো গেস্ট যদি তাকে ফলো করে তাহলে পৌঁছায় গিয়ে একদম ওপরতলার একটি বড় ঘরে । সেখানে ঢুকলেই দরজা নিজে থেকে বন্ধ হয় । তারপর চারিদিকে লেলিহান আগুনের শিখা ।

ধোঁয়া আর দমবন্ধ করা গ্যাস । মানুষ পালিয়ে আসার চেষ্টা করলেও মারা যায় । আসলে ভদ্রমহিলা এই ঘরে ঐভাবে মৃত্যুবরণ করেছেন । সেই স্পর্শ দেন গেস্টদের- যারা ওর পিছু ধাওয়া করে ।

এগুলি সব তিরাপ ও রায়ানের কাছে সত্য । জীবন্ত । কেবল ভূতের গল্প নয় ।

শ্মশানে প্রেত দেখেছে । দেখেছে কবরখানায় । নিজ মুন্ডু হাতে নিয়ে ঘুরছে কেউ । কেউবা সাহায্য চাইছে নিজ মৃত্যু রহস্য ভেদ করার জন্য ।

এগুলি দেখে দেখে তিরাপ এখন একদম সিওর যে মরণের পরে আমাদের অস্তিত্ব থাকে । আমরা ওখান থেকেই আসি আবার চলে যাই । কেন আসি তাও জানে । হয়ত বাসনা আর কর্মের যুগলবন্দী !

বহু ভৌতিক জায়গায় ওরা আধুনিক যন্ত্রপাতি নিয়ে গিয়ে পরীক্ষা করেছে। তাপমাত্রা কেন কমে যাচ্ছে, কেন হাড় হিম হয়ে যাচ্ছে অথবা ভাইব্রেশানে কোনো পরিবর্তন হচ্ছে কিনা। নানান জায়গায় যদিও এগুলির তারতম্য দেখা গেছে কিংবা বিশেষ ক্যামেরায় অশরীরির ছবি উঠেছে কিন্তু প্রেতেরা ছায়ামানুষ হয়েই থেকে গেছে। তাদের হাতের মুঠোয় ধরা যায়নি।

কিছু কিছু ক্ষেত্রে, ওকে এসে প্রেতেরা নানান সংবাদ দিয়েছে অথবা ওদের জন্য পূজোপাঠ করে, ওদেরকে মুক্তি দিতে অনুরোধ করেছে।

তিরাপ সেগুলো করেছে। ওরা বলেছে : **আমরা যেটার ভেতরে ছিলাম সেটা তো নেই কিন্তু বায়বীয় সত্ত্বা রয়ে গেছে।** তারই শান্তি কামনায় এই আবদার নিয়ে এসেছে তাদের কাছে যারা এখনও ওটার ভেতরে (খোলস) আছে। মানে দেহ।

তিরাপের যেন ধীরে ধীরে মনে হতে থাকে যে ও এইসব প্রেতেদেরই একজন। স্বাভাবিক মানুষের সঙ্গ আর তেমন ভালোলাগেনা। নিব্বুমবকম্ পাহাড়ের শিখরে উঠলে যে আত্মহত্যা করতে ইচ্ছে হয়

সেখানেও ওরা গেছে । তিরাপ ভেবেছে যে আঅহত্যা করবে । ওকে এক আর্মি অফিসার বাঁচান ।

ঐ পাহাড়ে আগে পাহাড়িদের কবর দেওয়া হত । এখন ওখানে সুন্দর বাগিচা । কফিনগুলো পাহাড়ের গায়ে ঝুলতো অনেকটা বাস্কেটের মতন । সেগুলি খুলে এখন ওখানে বাগান ফেঁদেছে লোকাল নেতারা ।

কিন্তু এই আজব শিখরে উঠলে আজও লোকের মৃত্যু বরণ করতে ইচ্ছে হয় ।

ক্রমাগত মনে হয় : মরবো তো একদিন বটেই তাহলে আজকেই নয় কেন ?

ওখানে প্রেতেরা যেন তিরাপকে বলেছে : এসো , কাছে এসো । দেখো এদিকেও আছে জীবন ! মরণের পরেই শেষ নয় বিচ্ছুরণ !

রায়ান অবশ্যি বলেছে যে ওর সাইকিয়াট্রিস্ট দেখানো উচিত । হয়ত ডিপ্রেশানে ধরেছে । নাহলে কেন হঠাৎ এইরকম আঅহত্যার ইচ্ছে হবে ?

রায়ান এগুলো করে , প্রেতের গবেষক ; কিন্তু মনে প্রাণে হয়ত বিশ্বাস করেনা । নিছক কৌতুহল আরকি !

ও কিন্তু তিরাপের মতন প্রেতেদের একজন হয়নি
আজও । প্রেতেরা ওকে নিজেদের কষ্ট বোঝায় না ।

তিরাপের যেমন কয়েকবার দেহে অসম্ভব জ্বালা দেখা
গেছে । চিকিৎসক কোনো কিছু ধরতে পারেনি ।

পরে জানতে পেরেছে যে আগের দিন একটি হন্টেড
বাড়িতে গিয়েছিলো, সেখানকার বাড়িওয়ালি প্রচণ্ড
যন্ত্রণা পেয়ে মারা গেছেন কৰ্কট রোগে ।

সেই জ্বালাই যেন তীব্র বেগে ধেয়ে আসে তিরাপের
দেহে । আবার এক লরি ড্রাইভার একটি সুড়ঙ্গ ; এক
বৃদ্ধকে একা দেখে লিফট দেয় । সুড়ঙ্গ শেষ হলে
দেখে পাশের সিটে কেউ নেই । পরে জানা যায় যে
আরো অনেক লরি ড্রাইভার এই বৃদ্ধকে দেখেছে ।

তখন সেই প্রথম ড্রাইভার একটি পদ্য লেখে এই ঘটনা
নিয়ে । আসলে ঐ ড্রাইভার বি-এ পাশ করে লরি
চালক হয়েছিলো । পেটের দায়ে ।


সেই লরি চালকের সাথে যোগাযোগ করে তিরাপ ও
রায়ান ঐ পথে ভ্রমণ করে । যথারীতি সেই বৃদ্ধার দেখা
মেলে । ড্রাইভারের পাশের দুটি সীটেই লোক বসে
আছে দেখে বুড়ি বলে ওঠে : আমি পেছনে মালপত্রের
ওপরে উঠে বসে চলে যাবো ।

এত বয়স্ক একজন সুদুঃ করে উঠে বসে লরির ওপরে
। কোনো সিঁড়ি ছাড়াই ! তারপর রায়ান না বুঝলেও ,
তিরাপের গায়ে কেউ যেন বেতের বাড়ি দিতে থাকে ।

বুড়ি যখন অদৃশ্য হয় তখন চাবুক থেমে যায় ।
আলোতে এসে দেখা যায় যে সারাদেহে দাগ হয়ে গেছে
তার ।

কাজেই তিরাপের মনে হয় যে ও আসলে একটু একটু
করে অলৌকিক জগতের বাসিন্দা হয়ে যাচ্ছে !

তা নাহলে রায়ান যা বোঝে না ও সেগুলো বুঝে যায়
কী করে ?



আসলে শরীর চলে গেলেও অভিজ্ঞতা গুলো থেকে যায়
। সুস্কন্না পর্যায়ে । কেউ এগিয়ে যায় প্রেতলোকে
কেউবা একই এক্সপেরিয়েন্স বারবার রিপিট করতে
থাকে এই দুনিয়াতে বসে ।

কেউ মিডিয়ামদের সন্ধানে থাকে । পেলেই নিজের
শোক দুঃখ জানাতে চায় । কায়াহীনের কান্না ধরা দেয়
মিডিয়ামের স্বরে ।

রায়ানের এক মৃত আত্মীয় ; যে পুরুষ , তার কণ্ঠস্বর
বার হয়েছে তিরাপের গলা দিয়ে । তিরাপ মিডিয়াম নয়
। কিন্তু তবুও ও বায়বীয় দেহের স্পর্শ পায় ।

গন্ধ পায় । স্বাদ পায় । অতীন্দ্রিয় পত্রিকায় ও নিয়মিত
লেখে । পশু প্রেতের কথাও লেখে । সারমেয় যেমন
বহু ক্ষেত্রেই মালিকের সাথেই থাকে । দেহ গেলেও !

উপকারও করে তারা । পাহারাও দেয় ।

এরকম অনেক নজির আছে । আর আশ্চর্য হল যে
লোকে ওর কথা খুব বিশ্বাস করে । অন্যদের এমনকি
রায়ানের কথাও অনেক সময় লোকে মানে না ।

ভাবে গল্প বলছে । কিন্তু তিরাপের কথা যেন প্রেত
চেতনার নিজ মুখ থেকে শোনা উপাখ্যান !

হয়ত এইজন্যই আজকাল তিরাপের মনে হয় যে ও
দেহযুক্ত হলেও আসলে প্রতলোকের বাসিন্দা ।

সবসময় তাই যেন একা থাকে । বিড়বিড় করে ।

স্বামীকে সঙ্গ দেয়না । সেক্স লাইফ জিরোতে ।

কোনো এনজয়মেন্ট নেই । আনন্দ লহরী নেই ওর মনে
। যেন কোনো ই-টিকে এনে বন্দিনী করে রেখেছে কেউ
। মাছের ডাঙায় ওঠার মতন ব্যাপার । কেবল খাবি
খাচ্ছে , অপেক্ষা করে আছে দমবন্ধ হয়ে আসার ।

রায়ান এই পরিবর্তন লক্ষ্য করেই ওকে মানসিক
চিকিৎসকের শরণাপন্ন হতে বলে ।

কিন্তু তিরাপ জানে যে ও উন্মাদ নয় । সুস্থ । শুধু ও
আর এই জগতের কেউ নয় ।

ভালুকপং, নাগাল্যান্ড আর তেমন ভালোলাগে না ।

মন্দ লাগে পুণার দুর্বীর দুর্গগুলি । মস্তানি মহলে শ্বাস
বন্ধ হয়ে আসে । আগুনে ঝাঁপ দিতে মন চায় ।

স্বেচ্ছায় মৃত্যুবরণ । কোনো লুকানো মৃত্যুবাণ নয় !

নিজের ইচ্ছেয় চলে যাওয়া ওপাড়ে । যেখানে আছে
অন্য মাধুর্য্য । অন্যভুবনের হাতছানি ।

ওদের নগর ওদের মতন । আমাদের মতন কেঠো নয়
কাঠবাড়ি । জগৎ রহস্যময় হলেও তিরাপের মনে হয় যে
আআলোক ওর কাছে বাস্তব ও জীবন্ত । ওখানে
কোনো রহস্য নেই । যা কিছু লুকোচুরি তা এখানেই ।

এখানেই ঈর্ষ্যা , রাগ , লোভ । ওদিকটা স্বচ্ছ আর
অবিনশ্বর । ওরা থাকে ওধারে কিন্তু ওদের মন
আয়নার মতন । ওরা কুটিল নয় । নাহলে অপরিচিত
মানুষকে নিজের জীবনখাতা খুলে ; পড়ে শোনায়
কেউ ??



অনেক ঘটনার সম্মুখীন হয়েছে তিরাপ ও রায়ান কোহেন । কিন্তু প্রেতআরা কেবল তিরাপকেই নিজেদের ভেবেছে । রায়ানকে নয় । ওকে কয়েকবার ওরা আক্রমণ করেছে । মেরে ফেলার জন্য ।

ফাইনাইট , ইনফাইনাইটকে ভয় পায় কাজেই রায়ান একটু দমেও গেছে তবুও তিরাপের মোহের কারণে এই কাজ বন্ধ করতে পারেনি ।

একটি মেন্টাল অ্যাসাইলামে ওরা গিয়েছিলো কিছু বছর আগে । সেখানে অমাবস্যা রাতে আক্রান্ত হয় রায়ান ।

পরিত্যক্ত এই দালান চত্বরে কোথা থেকে যেন টপ্‌টপ্‌ করে তাজা রক্ত এসে পড়তে থাকে । পুরো বাগান ও উঠোন লালে লাল । তিরাপ মজা করে বলে ওঠে : কমিউনিষ্ট ভূত গো !

রায়ান বলে : আরে না না, ভূতেদের মধ্যেও উঁচু নিচু আছে । যেমন মামদো ভূত , পিশাচ , ডাকিনী , গো ভূত !

হ্যাঁ-- একবার একটি কুকুর ভূতের দেখা পেয়েছিলো ওরা । পশুরা তো গুছিয়ে কথা বলতে জানেনা কাজেই ওরা কোনক্রমে কমিউনিকেট করে ফেলে । যেমন ঐ সারমেয় বলে : আমি ওদিকে হ্যাঁ যাবো !

কিংবা : আমি এগুলি না খাবো ! আমি মাংস হ্যাঁ খেতে চাই ।

আবার কোনো জিনিস জানে কিনা জিজ্ঞেস করলে বলতো : আমি সেটা না হ্যাঁ জানি ।

অর্থাৎ হ্যাঁ জানি ব্যাপারটা না মানে নেগেটিভ ।

আর সেখানে ও সেটায় গোলমাল করে ফেলতো কুকুর প্রেত । সে একটি ইস্কুলে ছিলো । তার মণিবের মেয়ে রেলগাড়ি চাপা পড়ে নিহত হয় । মেয়েটি নিয়মিত ইস্কুলে হানা দেয় । সেখানে মেঘলা দিনে ও অমানিশায় বহু মানুষ ওকে দেখেছে স্কুলের পোশাকে ।

হাতে একটি চেন আর তাতে ঐ সারমেয় যুক্ত । সারমেয়টি শোকে দেহ রাখে । অভুক্ত থেকে থেকে ।

তার আগে রোজ, নিয়ম করে বিকেলে স্টেশানে গিয়ে অপেক্ষা করতো মেয়েটির জন্য । স্টেশান বাড়ির কাছেই ছিলো ।

মেয়েটি ওকে খুব ভালোবাসতো । পাগানিনি নামে ডাকতো । মালকিন শোকে দেহ রাখা পাগানিনি ও মালকিন রঞ্জিমা মালহোত্রা এই বিদ্যালয় চত্বরে ঘুরে বেড়ায় । কারো ক্ষতি করেনা । তবে কেউ চিটিং করলে মাথায় চাটি খায় অদৃশ্য হাতের ।

আরেক কলেজে একবার এক দিদিমণি খুন হন ।

লাশ থেকে চুইয়ে পড়ে রক্ত । সেই রক্তে ভেসে যায় কলেজ বাড়ি । খুনের কারণ নেই কিন্তু । এক বছ পুরাতন কর্মী , প্রায় বৃদ্ধ -একদিন এসে মহিলাকে মাথায় লোহার রড মেরে খুন করে নেতিয়ে পড়ে । খুনের কোনই মোটিভ নেই । লোকটি আপাত: দৃষ্টিতে নিরীহ । সহজ সরল মানুষ ছিলো ।

পরে জানা যায় যে ঐ কলেজ প্রাঙ্গনে কিছু লোক , গাঢ় সন্ধ্যায় নানান তন্ত্র মন্ত্র করতো ।

সেই গুহ্য বিদ্যা , নষ্ট হাতে পড়ে হয়ে ওঠে ভয়াল ।

ডার্ক স্পিরিট এসে লোকের ওপরে ভড় করে ।

তারপর মোটিভ বিহীন খুন খারাপি হতে আরম্ভ করে ।

বুড়ো কর্মী যেহেতু নেতিয়ে পড়ে তাই বুঝি তদন্ত শুরু হয় অন্য অ্যাঙ্গেলে । তাকে সাইকো বলাও যায়না । ট্র্যাক রেকর্ড খুবই ভালো । কাজে কাজেই ।

প্রেত কেবল সাধারণ নয় , ডার্ক অর্থাৎ নেগেটিভও হয় । তারাই পিশাচ , ডাকিনী ইত্যাদি ।

লোকের ক্ষতি করাই ওদের উদ্দেশ্য । অনেক প্রেত এলাকায় ওরা সক্রিয় । ওদের অস্তিত্ব উপলব্ধি করা যায় । ওরা অসম্ভব ভয়ানক । দেহের রক্ত শুষে নেয় , মানুষ রক্তহীন হয়ে মারা যায় । তিরাপের মনে হয় এই যে ইদানিং এত যুবক ও কিশোর নেহাৎ-ই খেলার ছলে বিভিন্ন প্রেত গহুরে গিয়ে ঘোস্ট হান্টিং করছে তারা অজান্তে ভয়ানক বিপদের মুখে পড়ে যাচ্ছে ।

কেউ কেউ তো মারাও গেছে । তবুও ইনফাইনাইটের রহস্যভেদ করার নেশায় ছুটে চলেছে অনেক টাট্কা প্রাণ , ফলাফলের ভয়াবহতার কথা না ভেবেই ।

একটি মেয়েকে গুলারা ধর্ষণ করে । তারপর সে আত্মহত্যা করে । যেই বাগানে ধর্ষিত হয় মেয়েটি তার পাশে সরু পথ । হরেক রকম পুষ্পের মেলা সেই

বাগানে । কেউ ভুল করে যদি রাতে ওখানে যায় তাহলে চাঁদ শিখায় দেখা যায় যে একটি যুবতীকে কারা রেপ করছে । মেয়েটি চীৎকার করছে । লোকে ওকে বাঁচাতে যায় । কিন্তু কাছে গেলে আর কিছুই দেখা যায়না । শুধু কোথা থেকে গায়ে ও হাতে এসে পড়ে কয়েক ফোঁটা চোখের জল ।

যে নেগেটিভ ইমোশান্স নিয়ে সে এই দুনিয়া ছেড়ে গেছে তারই পুনরাবৃত্তি ঘটিয়ে নিজের দুঃখ লাঘব করার চেষ্টা করছে । জয়গাটি আসামের দিকে । তাই তিরাপ করলো কি, কামাখ্যা থেকে তান্ত্রিক এনে ওখানে পূজো করায় । মেয়েটি মুক্তি পেয়ে যায় । আর এই দৃশ্য দেখা যায়নি । যোনি খুন হওয়া মেয়েটি প্রেতযোনিতে হয়ত এখন সুখেই আছে !

শুধু মানুষের শোকতাপ আছে আর কারো নেই এরকম তো নয় । কায়াহীনদের কষ্ট আরো বেশি । কারণ ওদের কাহিনী শোনার মতন উদার ও মায়াবী মন খুব কম মানবসন্তানেরই থাকে । যা আমাদের সবার ভবিষ্যৎ তাকে আমরা প্রতি মুহূর্তেই অস্বীকার করি ।

আমরা সবাই প্রেত হবো আর প্রেতযোনিতে যাবো এই
চরম সত্যের মুখোমুখি হতে আমরা ভয় পাই ।

আমাদের ঢাল হল আমাদের অতি ক্ষুদ্র ইগো ।

যাকে ফুলিয়ে, ফাঁপিয়ে নিয়ে আমরা নিজেদের
সব্বজ্ঞাস্তা ও অমর ভেবে বসি ।

তিরাপের কাছে এসে ওরা কাঁদে, মনোবেদনা জানায় ।
তাই বুঝি তিরাপের মনে হয় যে ও আদতে
প্রেতলোকের বাসিন্দা কিন্তু সময়ের বুননে এখানে
আছে ।

স্পিরিটদের টাইম সেন্স নেই । হয়ত ওদের দুনিয়াতে ;
সেই প্যারানর্মাল ডায়মেনশানে, বায়োলজিক্যাল ক্লক
খুবই আস্তে চলে ! কে জানে ?



তিরাপের সন্ধ্যাগুলো অবসন্ন । অবসাদে ভরা ।

ঘোষ্ট হান্টিং করতে যায় কিন্তু মনে হয় আর ফিরবে না । ওদের জগতে চলে যাবে । আর ওদের যেহেতু দেহ নেই তাই রোগ-ব্যাদি নেই । ওদের দুনিয়াতে নোংরা আর আবর্জনা নেই । নেই পোকামাকড় । ওদের , আমাদের মতন রোজ খাবার কথা চিন্তা করতে হয়না । ওরা মনে মনে খেতে পারে ।

যেহেতু ওরা চিন্তাজগতের বাসিন্দা তাই শুধু চিন্তা করেই ওরা পেট ভরাতে পারে । **ইট জাস্ট হ্যাপেন্স** ।

ওদের শরীরের নানান নাম থাকলেও তিরাপের ভালোলাগে **কারণ শরীর** নামখানি । শুধু একটি কারণে এই দেহ, বজায় রাখে স্পিরিট । তাহল ডিজায়ার । বিভিন্ন ইচ্ছে । বাসনা । কামনা ।

তাই হয়ত কারণ শরীর নাম ।

অনেক গ্রামীণ প্রেতালয়ে তো গেছে তিরাপ । সেখানে শুনেছে **শবর মস্তুর** কথা । সাধু গোরক্ষনাথ এই মন্ত্র উদ্ধার করে মানব সভ্যতাকে প্রদান করেন । এই মন্ত্র যে কেউ, যে কোনো অবস্থাতে জপ করতে সক্ষম ।

মন্ত্রগুলি এতই পোটেন্ট যে ইন্সট্যান্ট ফল পাওয়া যায় ।
গ্রামের অশিক্ষিত, মূর্খ মানুষ এইসব জপ করে নানান
বিপদ আপদের হাত থেকে রক্ষা পায় ।

অনেক সময় পিশাচ ও ডাকিনীবিদ্যার মোকাবিলা
করতে সক্ষম হয় ।

একটি বিশেষ মন্ত্র আছে যা ওর কাজে লেগেছিলো
রায়ান কোহেনকে পিশাচের হাত থেকে বাঁচানোর
জন্য।

Om hrim srim gom, Hum phat svaha—

মন্ত্রটা আরো বড় । ও শুধু একটি লাইন বলতেই
রায়ানের দেহ ছেড়ে পালায় ডার্ক স্পিরিট ।

তার আগে ভূতুড়ে ঐ পরিত্যক্ত কারখানাতে, যেখানে
৫০০ শ্রমিককে পুড়িয়ে মারে ওদের শয়তান, বস্তমিজ্
মালিক --ফ্যাঙ্কুরিতে কম্পিউটার বসানোর জন্য
সেখানে রায়ান সবার সামনে মানে ঘোস্ট টুরের
কর্মীদের সামনে, মাটিতে শুয়ে কুকুরের মতন মুখ
দিয়ে শব্দ করছিলো ও চার পায়ে হাঁটার চেষ্টা
করছিলো । সমানে লালা নি:সরণ হচ্ছিলো যা কিনা
মেঝে স্পর্শ করতেই হয়ে যাচ্ছিলো লাল তাজা রক্ত
কণিকা । সেই সময় এই শবর মন্ত্র দিয়েই জীবন

ফিরিয়ে দেয় নিজ স্বামীর , তিরাপ । নেশায় ও পেশায়
প্রত গবেষক !

শুনলে অবাক হতে হয় যে এই মন্ত্রও ওকে কেউ ওর
পেছনে দাঁড়িয়ে , ঘাড়ে নিঃশ্বাস ফেলতে ফেলতে বলে
দেয় !

----Om hrim srim gom, Hum phat svaha--

এইভাবে ক্রমশ প্রেতেদের একজন হয়ে ওঠা তিরাপ
আর পারেনা প্রেমাস্পদদের ছেড়ে থাকতে ।

শেষদিকে সে একা একা বসে কাদের সাথে যেন কথা
বলতো । তাদের অবয়ব দেখা গেলেও পা থাকতো
মাটির ওপরে । ওরা ভাসমান সত্ত্বা । কেউ মানুষকে
ভেদ করে চলে যেতো । কেউ কাছে এলেই মনে হত
হঠাৎ সাইবেরিয়ায় পৌঁছে গেছি ।

কেউ আসতো মানবী সেজে । সামনে এসে মুখটা
দেখালেই দেখা যেতো যে একটি সম্পূর্ণ মুখে অনেক
গর্ত । চোখ ও নাক বিশেষ করে । ঠোঁটদুটি
কমলালেবুর কোয়ার মতন ঈষৎ লালভ ।

সাধারণ মানুষ এইসব দেখলেও তিরাপের কাছে ওরা
একান্ত আপনজন । ওদের ছেড়ে ও আর থাকার কথা
ভাবতে পারেনা । ও আর এই দুনিয়ার কেউ নয় ।

মানুষ দেখলেই গা গুলিয়ে ওঠে । ভেতরে জ্বরজং
সমস্ত অর্গ্যান আছে ভেবে । টয়লেটে যায় মানুষ ।

সেক্স করে । এগুলি খুবই দূষিত বস্তু । ও জৈব হতে
চায়না আর । অজৈবই ওকে আকর্ষণ করে ।

ভাবে আঅহত্যা করবে । যখন প্রেতজগতে যায়
অ্যাস্ট্রাল ট্রাভেল করে , ধ্যানের মাধ্যমে তখন
ওখানেই থেকে যেতে চায় । যেই সুক্ষ্ম রূপার তার বা
সিলভার কর্ড দিয়ে পার্থিব শরীরের সাথে যুক্ত থাকে
তাকে ছিন্ন করে ফেলতে চায় চিরতরে । কিন্তু প্রেতেরা
বাধা দেয় । বলে : স্বাভাবিক নিয়মে আসাই ভালো ।

কিন্তু সে আরো কতকাল ? মৃতু তো কারো হাতে নয়
! বিধাতাই সেটা ঠিক করেন ।

রায়ানের সঙ্গ অসহ্য লাগে । ও নিয়মিত টয়লেটে যায় ।
সেক্স করতে চায় ! যন্তসব ন্যাস্টি জিনিস ।

**মহুয়ার নেশায় মস্ত মানুষের মতন সবসময় কেমন
বিমিয়ে থাকে আজকাল তিরাপ ।**

কেউ কেউ বলে যে ওকে ভূতে ধরেছে । কিন্তু ও মনে
প্রাণে ভূত হয়ে যেতেই চায় । শুধু নর্মাল ডেথ যদি
আসতো এখন । আচ্ছা, কত লোক তো আছে যারা
মরতে চায়না কিন্তু মরে যায় । আর ও মনেপ্রাণে
মরতেই চায় । কিন্তু মারা যাচ্ছেনা । কেন প্রকৃতির এই
অবিচার ? ওর প্রাণটা ও স্বেচ্ছায় দিয়ে দিতে চায় ।
কেন যমরাজ নিচ্ছেন না ? যমদূত নাকি অ্যাসহোল
ওরা ? কবে যমরাজের সুমতি হবে কেউ জানে ?

ভারতে অনেক উপজাতির মধ্যে একটি আজব প্রথা আছে । সেটা হল কোনো মেয়ে যদি কুশ্রী হয় তাহলে মনে করা হয় যে তাকে প্রেত, স্পর্শ করেছে । অর্থাৎ সোজা ভাষায় ভূতে ধরেছে । যদি কোনো রূপসী নিজ ইচ্ছায় এক গহীন বনে গিয়ে নিজেকে প্রেতছায়ার কাছে সমর্পণ করে তাহলে কুৎসিত মেয়েটি মুক্তি পায় । আর রূপবতীকে প্রেত, কজ্জায় নিয়ে নেয় । তবে তাকেও ওরকম ভূতের মতন দেখতে হয়ে যায় কিনা সেটা কেউ দেখেনি কারণ সেই সুন্দরী আর জীবিত থাকেনা । মানে লজিক হল কুশ্রীকে নিয়ে এখানেই থাকো আর সুন্দরী পেলে তাকে নিয়ে পগার পার হয়ে যাও !

সুন্দরী বৌ বাসায় থাকলে, বাড়িতে ঢিল পড়ার ভয়ে অনেকে সাধারণ মেয়েদের বিয়ে করেন কিন্তু ভূতের তো আর সেইসব সমস্যা নেই । ভূত ঢিল খায়না , ঢিল মারে । কয়েক ঘা দিয়ে দেবে- বেশি বিরক্ত করলে ।

যেমন একবার তিরাপের খুব শরীর ভারী হয়ে যায় এক ভূতুড়ে ঘরে গিয়ে । ও প্রেতকে জিজ্ঞেস করে ওঠে :
তুমি কোথায় ? এখানে এসে বসেছো নাকি ?

প্রথমে বলে ওঠে : আমি এক ছোট কুকুর । আমি তোমার পাশ দিয়ে তখন যাচ্ছিলাম । আমি না বসেছিলাম ।

অনেক স্পিরিট মানুষের খট্ প্রসেসে থাকা বসায় । তখনই বলে যে স্পিরিট পসেজ্ করেছে । অনেক সময় একের বেশি আত্মা পসেজ্ করে । মানুষের পার্সোন্যালিটি বদলে যায় ।

প্যারানর্মালা । অকাল্ট । গুহ্যবিদ্যা । সুপার ন্যাচারাল । মেটাফিজিক্যাল । যাই বলো ।

ওদিকে ভয় আছে , রহস্য আছে , ভন্ডামি আছে আর আছে পদে পদে বিপদ । কিন্তু একে অস্বীকার করার আর উপায় নেই তিরাপ ও রায়ান কোহেনের ।

ছোট ছোট দল তৈরি করে যারা ভূত দর্শনে যায় নিছক অ্যাডভেঞ্চারের লোভে, তাদের খুব ডিস্কারেজ করে এখন রায়ান ।

বলে : যা পর্দায় ঢাকা তা ঢাকা থাকাই ভালো । ঢাকারও একটা সৌন্দর্য আছে ।

সায়েন্স যেমন তেজস্ক্রিয়তা এনেছে । এখন তার
মাশুল দিচ্ছে মানব সমাজ ; সেরকম প্রেতকূল পরশের
মাশুল দিচ্ছে রায়ান কোহেন নিজে । পত্নীকে, পেত্নীতে
রূপান্তরিত হতে দেখে ।

রহস্য থাক্ । মিস্ট্রি আছে বলেই জগৎ মধুময় ।

সব খুল্লম্ খুল্লা হয়ে গেলে ভালোলাগবে ?

ভালোলাগবে প্রমাণ পেলে যে এখন যেই দুনিয়াতে সব
রস , রঙ শোষণ করছো তাকেই মৃত্যুর পরে ডেস্ট্রয়
করে দিতে হবে চূড়ান্ত ভাবে ?

রুঢ় প্রেত-সত্য নাই বা জানা গেলো । মায়া ও ছায়া
জগতে কেন পা বাড়ানো ? দেহ থাকতে ?

এই জগৎই কি যথেষ্ট নয় এই জীবনের জন্য ? কন্নড়
ভাষায় বলা যায় (রায়ান সম্প্রতি শিখেছে) ::

তুহ্মা এনজয় মাডি ! (এনজয় করো)

সময় মতন সবাই এসে গেছে । একটি পাহাড়ের
উপত্যকায় মাত্র পঞ্চাশটি ঘর নিয়ে ক্ষুদ্র জনপদ।
একটি ছোট প্যাগোডা আকারের উপাসনা গৃহ । বহু
গৃহপালিত পশু । চমরি গাই ও মেঘকূল । সেখানেই
আজ তিরাপের আত্মসমর্পণ । প্রেতের হাতে ।

সন্ধ্যা হতেই আকাশে রূপার চাক্তির মতন নিষ্পাপ
শশী । শশী বৃদ্ধ । শিশু নয় । একইরকম তিরাপ ।
পূর্ণ বয়স্ক যুবতী । নিজেকে উজার করে দিতে চলেছে
প্রতাপুরুষের কাছে । পতিকে পাশ কাটিয়ে । অবহেলা
করে । যেন ঐ ছায়াময় জগতেই আছে লুকানো চাবি ।
আনন্দ নগরের ।

খুব সাজিয়েছে আজ তিরাপকে । এই অঞ্চলের মানুষ ।
বিশেষ করে কদাকার ঐ মেয়েটির বাড়ির মানুষ ।

মেয়েটি আজ নিস্তার পাবে আত্মার হাত থেকে । সুন্দর
একটি কোমল জীবনের স্পর্শ পাবে সে । আর তিরাপ
তো মহীয়সী । নাহলে কেউ এইভাবে নিজ স্বামী ছেড়ে
প্রেতের হাতে নিজের রূপযৌবন ঢেলে দেয় ?

তিরাপে মূর্তি বসবে এখানে । একটি রডোডেনড্রন
বৃক্ষের নিচে সেই স্ট্যাচু বসবে । এই চওড়া পাহাড়ি
পথের নাম হবে তিরাপ পুই ।

কারণ গত ২০০ বছরের মধ্যে এই এক রূপবতী
নিজেকে মানবসমাজের কল্যাণে সমর্পণ করতে চলেছে
প্রেরিত হাতে । এই নারী বিদূষী হলেও আবেগ
প্রবণ , কোমল । লৌহ মানবী নয় আধুনিকাদের মতন
। ইত্যাদি ।

নগ্ন নারী । নগ্ন প্রকৃতি । কমলের মতন কোমল
দেহলতা, একদা প্রেত গবেষক তিরাপ কোহেনের ।
স্বামীর পৌরুষকে অবহেলা করে যে ধাবিত হচ্ছে অচিন
দেশে, অশেষ কৌতুহল নিয়ে আর পরম শান্তিতে ।

যা ফেলে যাচ্ছে এদিকে তাই নিয়ে কোনো দুঃখ নেই
তার শুধু যেখানে চলে যাচ্ছে সেখানকার মূর্ছনাই
শুনতে পাচ্ছে অদেখা রুদ্রবীণার বাঁকাবে । হয়ত বাজছে
কোনো মধুকলি কিংবা হংসধনি ; কে জানে !

অনেক দূরে সেজেগুজে দাঁড়িয়ে একটি কদাকার মেয়ে
। হলুদ মেয়ের মুখটা লেপা পোঁছা । মাথাটা বিরাট বড়
। দেহ তুলনায় সরু । পেট মোটা আর পশ্চাৎদেশ
সুবিশাল । ঠিক যেন দুদিকে দুটি ঘটম্ বসানো ।

দুটি অদৃশ্য হাত দিয়ে যেন প্রেতকূল এতদিন ধরে সেই
ঘটম্ -এ সঙ্গত করতো ।


----তা না না দ্রিম দ্রিম , তোকে দেখে মানুষের হবে
হাড় হিম ! তা না না দ্রিম দ্রিম ॥

গহীন বনে ঢুকে গেছে তিরাপ । নগ্ন হয়েই । এই নিয়ম
। নিয়মের শৃঙ্খলে বন্দী আমরা । আজ তিরাপ হতে
চলেছে শৃঙ্খল মুক্ত । তাই সে ভীষণ খুশী ।

নগ্নতা দিয়েই তো আরম্ভ জীবন- তাই নগ্নতায় শেষ
বাঁশি । পর্ণগ্রাফি নয় পর্ণমোচী বৃক্ষের মতন । খসে
পড়ে পাতা , বক্কল । চেতনার মোটা ছাল ।


আর রায়ান থেকে থেকে ডুবে যাচ্ছে এক অচেনা,
অজানা অন্ধকার গহুরে-- যার শুরুটা দেখতে পেলোও
শেষটা আজ অবধি কেউ দেখেনি !



বিষ খেয়েছে রায়ান । ওষুধের ওভারডোজ ।



All images from www.pixabay.com

Under creative commons license.





THE END
